

პეტრე გელხვიძე

საგანმანათლებლო
სისტემების განვითარების
სახელმწიფო პოლიტიკის
კონცეფციის განხილვის
შედეგად

(აზრები)

ქუთაისი-2014

პეტრე გელხვიძე – კარგია თუკი შეგიძლია (აზრები)

შედგენილია ბაღდათის მუნიციპალიტეტის საკრებულოს წევრებისადმი უდიდესი პატივისცემის და მათგან სახელმწიფოებრივი აზროვნების გამოვლენის კეთილი სურვილებით.

ავტორი მზად არის, თუნდაც დაუნდობელი, კრიტიკის მისაღებად!!!

ელ.ფოსტა petregelkhviidze@rambler.ru

© პ.გელხვიძე 2014

“კარგია თუკი შეგიძლია
შენი ოცნებების გადარჩენა”
(ირმა ქურასბელიანი)

- ❖ რაც უფრო ცოტა იცი მით “უკეთესია”, რადგანაც ბევრის ცოდნის შემთხვევაში კიდევ უფრო მეტის უცოდინრობას ხედავ!
- ❖ განვითარება წრებრუნვაა, მცირედი ბიჯით წინ.
- ❖ “ხელის უფლების” მოტრფიალეთათვის “თავის უფლების” მოტრფიალენი მიუღებელია.
- ❖ გამოცანა: გატყორცნილი წვეთიდან წარმოქმნილს, სამყაროს შეცვლის პრეტენზია აქვს (აღამიანი)
- ❖ მემკვიდრეობა, რაც უფრო შორეული წინაპრისაგანაა მიღებული, მით უფრო უკეთესია.

- ❖ თუ დომინოში “ბეშის პუსტაა” კარგი, პოლიტიკაში “ჩარის იაქე” ჯობია!
- ❖ ნული მართლა არარაობაა თუ ორი ურთიერთ საწინააღმდეგოს საწყისი?
- ❖ სიბერეს უჩივი? – მაშ ვერ ყოფილხარ კარგი კაცი; განა სიბერე, სიბრძნისა და დაგროვილი სიკეთის საზომი არ არის?
- ❖ “განმეორება ცოდნის დედაა” და უცოდინრობის დაუძინებელი მტერი!!!
- ❖ ეს ის წიგნია, რომელშიც ფურცლებს დანომვრა არ ჭირდება და ერთმანეთის მიმართ გადანაცვლებით აზრი არ იცვლება.
- ❖ ტესტირება – უცოდინრობის ცოდნად გამოცხადების ტექნოლოგიაა!!!
- ❖ ვიცოცხლებ მანამ, სანამ ჩემი აზრების უკანასკნელი წამკითხველი იცოცხლებს.
- ❖ რაც უფრო შევშინდებით, მით უფრო დაგკნინდებით!
- ❖ ვინც წარსულს მისტირის, მომავალს ვერ ხედავს.
- ❖ მაღლიერებას ფრთები აქვს, უმადურობას ფესვები.
- ❖ თუ გუთნისდედა არ ფხიზლობს, სარეველა გადაუვლის სასარგებლო კულტურას!!!
- ❖ სიახლოვისათვის განშორებაა საჭირო (ესეც ფიზიკის კანონებიდან).

- ❖ უფროსობა ის ავადმყოფობაა, რომელიც მკურნალობას არ ექვემდებარება.
- ❖ არამზადა–ჩინოვნიკი, რომელიც არ არის მზად მოვალეობის შესასრულებლად!
- ❖ მოპარული დრო –საყვარელ ადამიანებთან გატარებული დრო.
- ❖ მოპარული დრო – ეს, ის დროა, რომელსაც ხარჯავ და შენ არ გააკლდება.
- ❖ ვცდილობ აზრები დროის “ქვაბში” მოეხარშო.
- ❖ წვეთით იწყება სიცოცხლე.
- ❖ დროზე ფეხის აწყობა მოკვდავთა ხვედრია.
- ❖ ამაზე უარესი – რაც გვაქვს იმის არქონა იქნება.
- ❖ თუ ახალგაზრდა ჩვენზე უკეთესად ხედავს, ნუ გვეწყინება, ბუნების კანონია.
- ❖ ადამიანში შიშზე უფრო, სირცხვილის გრძნობა უნდა იყოს შემაკავებელი.
- ❖ გაისვრი ერთ გუნდას? – მიიღებ ზგავს!!!
- ❖ სადაც სირცხვილი არ არის, იქ სიშიშველე ჩვეულებრივი ამბავია.
- ❖ ძნელია ჭკვიან კაცთან პოლემიკა – შეუძლებელია ბრიყვთან!
- ❖ ვინც წარსული უარყო, მომავალს ძირი გამოუთხარა.
- ❖ ყველაფერი, რაც განვითარებას არ ექვემდებარება – მკვდარია!
- ❖ დროის მრისხანებას მხოლოდ კაცობა უძლებს.
- ❖ “დიდ ადამიანებს” ადგილი არ ჰყოფნის დედამიწაზე.
- ❖ ხშირად წყვედიადი უფრო საინტერესოა ვიდრე ნათელი.
- ❖ ყოველი ადამიანი ვარსკვლავია, ვინ როგორ ანათებს, ეს დამკვირვებლის შეფასებაა.
- ❖ საერთოდ ვარსკვლავები დამის წყვედიადში ამჯობინებს ყოფნას, თუმცა ზოგიერთი რეალურ სამყაროში მზის ბრწყინვალეობაზე უკეთესად კაშკაშებს.
- ❖ ბუნებაა ყველაზე დიდი ხელოვანი.
- ❖ დაბადებაა ბუნებაში ყველაზე დიდი მოვლენა.
- ❖ აღმოცენებას ნოყიერი ნიადაგი სჭირდება.

- ❖ ყველა ადამიანშია გმირობის და ღალატის საწყისი, რომელი გამოვლინდეს, გარემოზეა დამოკიდებული.
- ❖ ის, რაც ფულზე იყიდება –”საქონელია” და მეტი არაფერი.
- ❖ შემართება, სიბრძნის გარეშე ბლაგვი იარაღია.
- ❖ ბედნიერია ის ვისაც სიყვარულის უდიდესი უნარი აქვს.
- ❖ ყველაფრის მორევის რა გითხრათ და ყველაფრის გაფუჭება რომ შეუძლია, ასეთი ბუნებაში ადამიანია.
- ❖ თავი რომ გადაირჩინო, თავზე მაღლა გადახტომა უნდა ისწავლო.
- ❖ ღრო - ცეცხლია, არ უნდა ჩააქრო!!!
- ❖ რატომ არის გენიოსი მოვლენა?
- იმიტომ, რომ რასაც კაცობრიობა საუკუნეებს ანდომებს მისგან იგივე საქმე ელემენტალურად წყდება.
- ❖ სიბრძნის მწვერვალთან სიბრიყვის უფსკრულში გადახეხვა ადვილია, პირიქით ასვლა შეუძლებელი.
- ❖ სიბრიყვესაც თავისი “შენახვის კანონი” ჰქონია ბუნებაში და რაც უფრო დიდია, სამწუხაროდ მით უფრო დიდხანს ინახება!!!
- ❖ ჩვენ ყველანი მსახიობები ვართ და ის არის ყველაზე მაგარი ვინც თავის თავს თამაშობს მაგრად.
- ❖ ნაცარქექიას სამშობლოში ცეცხლი ჩამქრალა და ახლა ნაგვის ქექვით არიან დაკავებული.
- ❖ “მთავრდება ერთი ზღაპარიც,
შთამომავალის იბერის
ქატო იქ მრჩება, ფქვილი კი
უკვე ქარს მიაქვს სიბერის”!
(ომარ გვეტაძე)
- ❖ სიძველით სიამაყეს დავიწყების სურნელი დაჰკრავს.
- ❖ მთავარია თესვა, მოსავალს ყველა აიღებს.
- ❖ ჩემთვის წინააღმდეგობაა მაცოცხლებელი!
- ❖ თუკი ბუნებაში რაიმეს მუდმივობის კანონია სამართლიანი, ეს პირველ რიგში სიყვარულისთვისაა სამართლიანი.
- ❖ მხოლოდ სიყვარულს შეუძლია იხსნას სამყარო!
- ❖ წიგნი, ღვინო და ქალი არ შეიძლება იყოს ცუდი.

- ❖ ომარ ხაიამის სამი ხატება ჩემთვის ასე გამოიყურება: წიგნი, ღვინო და ქალები.
- ❖ ჭეშმარიტება არ არსებული რეალობაა.
- ❖ პრობლემისაგან დამალვა პრობლემის გადაწყვეტა კი არა მისი დაკონსერვებაა.
- ❖ თუ ქუხილს მეწყერს არ მოაყოლებ, ისე ვერაფერს დაძრავ ადგილიდან.
- ❖ განა მეწყერი და რისხვა განგების უღმერთობა არ არის?
- ❖ უმწეობაა ჩხუბის მიზეზი.
- ❖ მძიმეწონოსანი ან კიდევ ეკლიანი უნდა იყო, რომ ვინმეს ხელწამოსაკრავი არ გახდეს.
- ❖ უფუნქციობაა ტვინის გაჭივრება.
- ❖ კაცობა – ცათამბრჯენზე დიდია
- ❖ ყოფილი კაცი არ არსებობს, რასაც სიკვდილის განაჩენი აქვს ის კაცი ვერ იქნება!
- ❖ ამ სამყაროში კაცობა და სიყვარულია მარადიული!
- ❖ ნუ ელოდები, დრო არ არსებობს უკეთესი.
- ❖ მიუწვდომელია – მიუღებელი!
- ❖ აზრი ჩემთან სტუმარია, თუ ვმასპინძლობ, ზემია.
- ❖ მთავარი სიტუაციის ფლობა კი არა, მისი მართვაა.
- ❖ დამწერლობის შემქმნელმა სიცოცხლის ახალი ფორმა შექმნა.
- ❖ პატიოსანი კაცისათვის შებრალებაა შეურაცყოფა.
- ❖ ყველას გიგანტური აღმოჩენები იზიდავს, მაგრამ ავიწყდებათ, რომ ყველაფრის საფუძველი ელემენტალურში რომ იმალება. არადა, საერთოდ პატარა ატომებით არის აგებული გიგანტური სამყარო.
- ❖ სამარშუტო ტაქსში ვაჟმა გოგონას ადგილი დაუთმო და თხოვა დამჯდარიყო, რაზეც გოგონას პასუხი იყო: –“ოცნებობ ზემოდან დამყურებდე”?
- ❖ ყველაზე ადვილი იმ საქმის კეთებაა, რომელიც არ იცი, –“შეცდომა”არ მოგივა.
- ❖ მეოთხე განზომილება რომ დაინახო ერთდროულად სამი თვალით უნდა იხედებოდე.

- ❖ რამ გადაარჩინა საქართველო?
-ტრადიციებმა.
რა დაღუპავს საქართველოს?
-ტრადიციად ქცეული უზნეობა და ურწმუნოება!!!
- ❖ უსამართლობაა კიდევ უფრო დიდი უსამართლობის მშობელი!!!
- ❖ ღმერთი მაპატიებს, თუ ზოგიერთის “სიღიადე” ვერ დავინახე.
- ❖ ვარგისიანობის გამომცდელი დროა!!!
- ❖ რა არის სიყვარული?
-სიგიჟე!!!
- ❖ რა არის სიგიჟე?-ენერჯისა და აზრების არაადეკვატური გამოვლენა. (სიგიჟე-გამბედაობაა აღმატებულ ხარისხში).
- ❖ ჭკუა ადამიანის გაუცნობიერებელი ორგანოა რომლის დანახვა გარეშე თვალს შეუძლია.
- ❖ “ჭკუის დარიგება”-ყოველ შემთხვევაში საქართველოში დღემდე არ მომხდარა (არ დარიგებულა).
- ❖ სისწრაფის მიხედვით თუ მივანიჭებდით გამარჯვებას, მაშინ სიბრიყვე სიბრძნესთან შეჯიბრებაში გამარჯვებას მიაღწევდა, რადგან ის ყოველთვის წინ უსწრებს სიბრძნეს.
- ❖ თუ მოქმედება საშიშია, რომ ბუმერანგივით არ დაგვიბრუნდეს უკან, უმოქმედობა კიდევ უფრო საშიშია, რადგანაც ის უფრო ადრე დაგვხვდება წინ.
- ❖ “ჩვენი ბედიცა და მსოფლიო ისტორიაც ერთი და იმავე ხელით არის დაწერილი”
(პ.კოელი)
- ❖ საქართველოში ყველა მენეჯერია, -ყველას სხვისი ხელით უნდა საქმის კეთება.
- ❖ ყველაზე დიდი უნარი – გიყვარდეს ადამიანი, ყველაზე დიდი სიმდიდრე – უყვარდე ადამიანებს.
- ❖ ცარიელ სათავსოებს შორის ყველაზე უვარგისი ცარიელი თავია.
- ❖ გონიერი კაცი დახუჭული თვალებითაც ხედავს, კი არ დადის.
- ❖ ტანჯულის მანტია გამჭვირვალეა მასში სიყალბე ვერ დაიმალება.
- ❖ ადამიანი რაც უფრო დამოუკიდებელია, მით უფრო დამოკიდებულია.
- ❖ ადამიანები ამქვეყნად შრომისა და ტანჯვისათვის არის გაჩენილი, ხოლო პოლიტიკოსები ამ სატანჯველის შესაქმნელად!!!
- ❖ კაცობა ის საზომია, რომლის დაკარგვა შეიძლება, პოვნა არა.

- ❖ ადამიანები თავის უმწეობას ღმერთს აბრალებენ.
- ❖ სისტემის მდგრადობას მასში დამალული არამდგრადობა განსაზღვრავს.
- ❖ პრინციპულობა აზრით იზომება, ჯიუტობა უაზრობით



პეტრე გელხვიძე

ქუთაისის აკაკი წერეთლის სახელმწიფო უნივერსიტეტის ენერგეტიკის და ტელეკომუნიკაციის დეპარტამენტის ასოცირებული პროფესორი. საქართველოს ეკოლოგიურ მეცნიერებათა აკადემიის წევრ-კორესპოდენტი. ხუთ ათეულზე მეტი სამეცნიერო და მეთოდური ნაშრომის (სამეცნიერო შრომების თემატიკა ეხება ძლიერდენიანი რელატივისტური ელექტრონული კონების გამოყენების პრობლემებს ზემოდავარი ლაზერების რეალიზაციის საქმეში), აზრების კრებულების (“რაც მიფიქრია და მწამს”; “საგზალი ცხოვრების გზაზე”; “პატარა მძივები”; “ღმერთო, რამდენი ფიქრები გაქრნენ”), სამი პატენტისა და სასწავლო მეთოდური ხასიათის რამოდენიმე სახელმძღვანელოს ავტორი.